

古今聲律定宮

歷代聲律定宮卷三

五聲原始

東陽葛 銘警堂

隋志伊耆有葦籥之音伏羲有網罟之詠葛天八闋神農
五絃事與功偕其來尚矣

律呂表微昔有娥氏二女作歌始為北音塗山氏之女作
歌始為南音孔甲作破斧之歌始為東音辛餘靡作歌始
為西音見呂氏春秋是四方之音也然惟南音則周召取之以
為二南

樂記肆直而慈愛者宜歌商溫良而能斷者宜歌齊商者

五帝之遺聲也。商人識之，故謂之商。齊者，三王之遺聲也。齊人識之，故謂之齊。

文獻通考：康衢風之祖，喜起南風雅之祖，五子之歌，變聲之祖，是皆商齊之遺也。

周官太師：文之以五聲，宮商角徵羽。此五聲清濁之序也。

史記生鍾術：上九商，八羽，七角，六宮，五徵，九。此五聲相生之序也。故

曰音始於宮，窮於角。李氏光地曰：商羽角宮徵者，相生之次也。上九者，言以九為上也。必以九為上，而以徵居之者，欲使宮得五為中數也。蓋自五至一為五聲大小之次，自九至五為五聲相生之次，而宮之為五不異也。人知五

聲之清濁應洪範五行之序不知五聲之相生亦應月令四時之節蓋徵生商者夏而繼以秋也商生羽者秋而繼以冬也羽生角者冬而繼以春也惟宮生徵角生宮於相生之義不合然土於四時實無位故不可以相繼論太史公言上徵而窮於角亦此意也

銘按五聲之數昉於河洛首觀河圖其序蓋有三焉天一生水而為羽地二生火而為徵天三生木而為角地四生金而為商天五生土而為宮此天地生五聲之序也然天地之生五聲自羽而至宮曰羽徵角商宮古聖之比五聲自宮而至羽曰宮商角徵羽自羽至宮者為

五聲先天之序以體言也。自宮至羽者為五聲後天之序以用言也。至於五聲自相生之序則中央之宮生南方之徵徵生西方之商商生北方之羽羽生東方之角其序蓋悉與河圖協矣。或謂商生羽羽生角固五行相生之常而宮之生徵土反生火也徵之生商火反生金也角復生宮木反生土也何以與五行相生之序有未協曰是第觀河而未觀洛也。天地之數河主常而洛主變故洛書之位水木皆不變水北木東土則畧變有五無十而火與金則互變火西金南惟水木不變故角羽之受生者得五行之常惟土火金皆變故宮徵商之受生者得五行之

變何則河圖南方為火洛書南方為金以河圖言南方之火固生中央之土矣若以洛書言則中央之土又生南方之金是藏金於火而火之生我者可變為我生此宮之所由生微也河圖西方為金洛書西方為火以河圖言南方之火固克西方之金矣若以河洛合言則南方金中之火實通乎西方火中之金是歸火於金而金為我克者可變為我生此微之所由生商也至於角復生宮則亦以土火金三者互變而化為一氣知土曾受火自不碍其為木所生也若夫推而廣之河圖之生數有五則五聲半律之象見焉河圖之成數亦五則五聲

全律之象見焉。宮為五聲之母。其象配土。王之成數。本不為九而為十。然古來算律家皆不用十而用九者。蓋因耦數主方。方則止。奇數主圓。圓則行。故以宮聲之十數作為九數。以便損益相生之用。是猶洛書之用九。仍無異於河圖之用十也。宮數之用九。而析為三分。亦猶洛書之用九。而析為三元也。夫宮數既以十作九。則九為陽數之極。八為陰數之極。故損益相生之法。始於九。九八十一。以為宮。終於八八六十四。以為角。而八其九。則為七十二之商。六其九。則為五十四之徵。六其八。則為四十八之羽。或益一以生陽。或損一以生陰。是又猶

河洛之陽數主進而陰數主退也觀河洛之數而五聲
之數自明矣

五聲名義

爾雅宮謂之重

音出自喉

商謂之敏

出齒張口

角謂之經

自牙而發

徵謂之迭

時自舌振起

羽謂之柳

楊自唇撮聚

劉

祇歆曰宮聲厚重商聲敏疾角聲圓長經貫清濁徵聲抑

揚迭續羽聲低平自下而高

黃氏佐曰商出于齒角出于牙徵出于舌羽出于唇其所

由發者以漸而著獨宮聲全自喉出以其兼之也 又水

為唇聲也火為舌聲也木為牙聲也金為齒聲也土為喉

聲也

白虎通角者躍也陽氣動躍徵者止也陽氣止商者張也

陰氣開張羽者紆也陰氣在上陽氣在下宮者容也舍也
舍容四時者也 漢志商之為言章也物成就可章度也
角觸也物觸地而出戴芒角也宮中也居中央暢四方唱
始施生為四聲綱也徵祉也物盛大而繁祉也羽宇也物
聚藏而宇覆之也夫聲者中于宮觸于角祉于徵章于商
宇于羽故四聲為宮紀也

禮記月令孟春之月其音角孟夏之月其音徵中央土其
音宮孟秋之月其音商孟冬之月其音羽

呂氏春秋東方其音角南方其音徵西方其音商北方其
音羽中央土其音宮

楊子雲太元經甲己之數九乙庚八丙辛七丁壬六戊癸

五音生于日

日謂甲己為角乙庚為商丙辛為徵丁壬為羽戊癸為宮五行合而為五日也律生

于辰

辰謂十二辰子為黃鍾之類是也

樂記宮為君商為臣角為民徵為事羽為物

漢書律歷志協之五行則角為木五常為仁五事為貌商為金為義為言徵為火為禮為視羽為水為智為聽宮為土為信為思

史記音樂者所以動盪血脈流通精神而和正心也故宮動脾而和正聖商動肺而和正義角動肝而和正仁徵動心而和正禮羽動腎而和正智

李氏光地曰宮調深厚于人為信之德而其發則和也角
調明暢于人為仁之德而其發則喜也商調清厲于人為
義之德而其發則威也徵調繁喧于人為禮之德而其發
則樂也羽調叢聚于人為智之德而其發則思也是故聞
宮音使人和厚而忠誠聞角音使人歡喜而慈愛聞商音
使人奮發而好義聞徵音使人樂業而興功聞羽音使人
節約而遠慮

五聲二變

五聲相生
二變相生

中聲
七音

五聲相生

宮聲八十一

商聲七十二

角聲六十四

徵聲五十

羽聲四十八

朱子儀禮經傳通解鐘律篇史記五聲數曰九九八十一

以為宮三分去一五十四以為徵三分益一七十二以為

商三分去一四十八以為羽三分益一六十四以為角唐

杜佑通典曰宮生徵朱子曰三分宮數八十一分各二十

以五為徵故徵生商朱子曰三分徵數五十四分各十八

十數五十四也商生羽朱子曰三分商數七十二分各十四

商數七十二也商生羽朱子曰三分商數七十二分各十四

十八以爲羽，故羽生角。朱子曰：三分羽數四十八分，各十得六十四，以爲角。此五聲大小之次也。是黃鐘爲均，用五故角數六十四也。聲之法，以下十一辰，辰各有五聲，其爲宮商之法亦如之。故辰各有五聲，合爲六十聲，是十二律之正聲也。朱子曰：史記此說，止是黃鐘一均之數，非衆律之通法。今詳通典云：十一辰，宮商之數亦如之。蓋若以十一律爲宮，亦用此法，以素本律之分數而損益之，如林鐘爲均，則以八十一爲五十四，以二十七爲十八之類，是也。

中聲

國語伶州鳩曰：古之神瞽考中聲。左昭九：先王之樂，中聲以降，五降之後，不容彈矣。朱子曰：宮以下則太濁，羽以上則太清，惟五聲者，中聲也。

朱子曰五聲之序宮最大而沉濁羽最細而輕清商之大
次宮徵之細次羽而角居四者之中焉然世之論中聲者
不以角而以宮何也曰凡聲陽也自下而上未及其半則
屬於陰而未暢故不可用上而及半然後屬於陽而始和
故即其始而用之以為宮因其每變而益上則為商為角
為變徵為徵為羽為變宮而皆以為宮之用焉蓋以其正
當衆聲和與未和用與未用陰陽際會之中所以為盛然
自其聲之始和者推而上之亦至於變宮而止耳于是就
其兩間而細分之則其別又十有二以其最大而沉濁者
為黃鐘以其最細而輕清者為應鐘蓋黃鐘之宮始之始

中之中也。十律之宮始之次，而中少過也。應鐘之宮始之終，而中已盡也。諸律半聲始之外，而中之上也。半聲之外過乎輕清之甚，則又外之外上之上，而不可為樂者也。自註云：正如子時初四刻屬前日，正四刻屬後日，其兩日之間，即所謂始之始，中之中也。然則聲自屬陰以下，亦當默有十二正變倍半之地，以為中聲之前段。如子初四刻之為者，但無聲氣之可紀耳。

二變相生

朱子鐘律篇二變相生之法

變宮四十二餘九分
羽後宮前

變徵五十六餘九分

角後
徵前

朱子曰五聲相生至於角位則其數六十有四隔八下生當得宮前一位以爲變宮然其數三分損一每分各得二十有一尚餘一分不可損益故五聲之正至此而窮若欲生之則須更以所餘一分析而爲九損其三分之一分乃得四十二分餘九分分之六而後得成變宮之數又自變宮隔八上生當得徵前一位其數五十六餘九分分之八以爲變徵正合相生之法自此又當下生則又餘二分不可損益而其數又窮故立均之法至于是而終焉然而二變但爲和聲已不得爲正聲矣

律呂新書五聲宮與商商與角徵與羽相去各一律至角與徵羽與宮相去乃二律相去一律則音節和相去二律則音節遠故角徵之間近徵收一聲比子少下謂之變徵羽宮之間近宮收一聲少高于宮謂之變宮也

銘 友鄭氏清如號松洲 曰五聲之清濁各依本數九分去

一以為序宮數八十一去九分之一而為七十二之商商去九分之一而為六十四之角若角去九分之一則得五十六餘九分分之八是為變徵其數比正徵多二分八厘徵數五十四去九分之一而為四十八之羽若羽去九分之一則得四十二餘九分分之六是為變宮其數比清宮少一分七厘

有奇比正宮少四寸二分三厘此五聲清濁依次漸差所以必收二變也銘按蔡氏以相去二律明二變尚據十二律數言鄭氏以九分去一明二變即據五聲數言尤為親切然以十二律數合五聲數則其數仍同故二說相為表裏

淮南子黃鐘之數八十一下生林鐘之五十四林鐘上生太簇之七十二太簇下生南呂之四十八南呂上生姑洗之六十四姑洗下生應鐘之四十二應鐘上生蕤賓之五十七蕤賓上生大呂之七十六大呂下生夷則之五十一夷則上生夾鐘之六十八夾鐘下生無射之四十五無射

上生仲呂之六十。極不生。宮生徵。徵生商。商生羽。羽生角。角為姑洗。姑洗生應鍾。比于正音。姑洗為宮。有五正聲。故為和。應鍾生蕤賓。不比于正音。只一正聲。故為謬。律呂表徵。變宮之音。與正宮相近。故謂之和。變徵之音。與正徵相干。故謂之謬。其實二變皆不比于正音。而和謬亦初無異。故宋志變淮南之文。謂應鍾不比于正音。與蕤賓一例。

隋書一十三曲。變徵調。蕤賓也。一十三曲。變宮調。應鍾也。唐書十二變徵調。居角音之後。正徵之前。銘按朱蔡謂二變不可羽音之後。正宮之前。為調。與隋書唐書異。通典註。應鍾為變宮。蕤賓為變徵。自殷以前。但有五音。自

周以來加文武二聲謂之七聲五聲為正二聲為變變者和也

考律緒言五音者正宮正徵正商正羽正角之律二變者比宮比徵之律既有比宮比徵之律則必有比商比羽比角之律謂七均外五空律是故宮商之間有律焉蕤賓所以生大呂也徵羽之間有律焉大呂所以生夷則也商角之間有律焉夷則所以生夾鍾也羽宮之間有律焉夾鍾所以生無射也角徵之間有律焉無射所以生仲呂也蓋由角及徵由羽及宮其相去之度最為遼闊故應鍾之律比于宮而不比于羽比于羽者乃無射也蕤賓之律比于徵而不

比于角比于角者乃仲呂也若大呂之律在宮商之間其相去之度不遠故既比于宮又比于商夷夾二律亦如之李氏光地曰律有變律聲有變聲何也曰變猶閏也十二月有十二閏日故十二律有十二變律也按朱蔡謂變律只六五歲有二閏故五聲有二變聲也聲陽主氣律陰主月律備而聲餘如月備而氣餘聲備而律餘如氣備而月餘也五歲之中有再閏則時定而歲成矣五聲之中有二變則聲和而氣應矣宋房庶所謂閏宮閏羽亦此意也

七音

左昭二十晏子曰五聲六律七音八風九歌以相成也疏

聲以外加變宮
變徵為七音也

昭二十五子太叔曰為九歌八風七音

六律以奉五聲

國語景王將鑄無射問律于伶州鳩曰七律者何對曰昔

武王伐殷歲在鶉火

張度歲星所
在利以伐人

月在天駟

房日在析木

之津

其度

辰在斗柄

斗星在天

龜

元枵也

王受之

於水

故占辰

星與日辰之位皆在北維

也

星與日辰之位

皆在北維

自鶉

及駟

七列也

鶉是房星

駟是張星

從張至房

南北之揆

七同也

為七列

南北之揆

七同也

自午至子

為七同

故以七

同其數

而以律和其聲

於是乎有七律

王以二月癸亥夜

陳未畢而雨

以夷則之上

宮畢之故

長夷則之上

宮名之

曰羽

所以屏藩民則也

王以黃鐘之下

宮布戎於牧之野

故以七

同其數

而以律和其聲

於是乎有七律

王以二月癸亥夜

陳未畢而雨

以夷則之上

宮畢之故

長夷則之上

宮名之

曰羽

所以屏藩民則也

王以黃鐘之下

宮布戎於牧之野

故以七

同其數

而以律和其聲

於是乎有七律

王以二月癸亥夜

陳未畢而雨

以夷則之上

宮畢之故

長夷則之上

宮名之

曰羽

所以屏藩民則也

王以黃鐘之下

宮布戎於牧之野

故以七

同其數

而以律和其聲

於是乎有七律

王以二月癸亥夜

陳未畢而雨

以夷則之上

宮畢之故

故謂之厲。所以厲六師也。以太簇之下宮布令于商。以顯
文德。底紂之多辜。故謂之宣。所以宣三王之令德也。太王
王季
文反及羸內。名地以無射之上宮布憲施舍于百姓。故謂之
羸亂也。治所以優柔容民也。

李氏光地曰。王問七律之義。而鳩以天象對。其末舉夷則
四律。又絕與問意不相應。故此條之說。莫能通曉。今姑以
理之。可通者言之。據史記。林鐘本位在丑。南呂本位在卯。
應鐘本位在巳。以居其衝。故在未。酉亥之位。然則此七聲
者。乃自子至午之律。陽氣自始生。至于極之數也。理既如
此。而自天龜子位至鶉火午位。適值周家受命之符。故武

王欲以七律應之。後言黃鐘之宮布戎則黃鐘之聲和平深厚于殺氣為不類。故疑夷則之上宮黃鐘之下宮皆無射也。無射在夷則之後黃鐘之前。前者為下後者為上。無射為窮秋之律。戰乾之位。故用其律以應之。及其布令施舍。所謂太簇之下宮無射之上宮則皆黃鐘也。克殷之後偃武修文。故去殺伐之聲而用中和之樂。

銘按羽厲宣贏四樂畢。陳取夷則者夷平殷亂必循法。則以應天雨洗兵之象也。布戎取黃鐘者陰極陽生將伐殷而君臨天下也。布令取太簇者人生于寅與天下更始也。布憲取無射者欲其長治久安無厭數也。至於

夷則在申無射在戌黃鐘在子太簇在寅自申至寅凡
七宮隔一宮而取一律又通符七列七同之義焉四律
居西北東三方貞下起元成終成始且通符位在北維
之義焉若夫四樂皆尚宮聲則史記所謂武王伐紂吹
律聽聲殺氣相并而音尚宮者為得其解矣獨是同一
宮聲而分上宮下宮者何也蓋音有清濁濁為下而清
為上黃鐘為陽律之最濁太簇為陽律之次濁而皆用
下宮者濁而又濁一以剗殺氣之并一以洗腥聞之舊
也無射為陽律之最清夷則為陽律之次清而皆用上
宮者清而又清一以著始事之審慎一以昭成事之周

詳也。至于王問七律而鳩舉羽屬宣贏四樂不復詳言七律者。蓋四樂為用七律之始。既舉四樂之宮聲則七律之五聲二變已默具乎其中矣。他如律用陽律聲用宮聲而陽律之宮聲又分上下更可想見古人之樂陰陽亦有時分用而分用中又有全律之濁宮有半律之清宮變化無端莫非曲盡旋宮之妙蘊者也。

又按朱子旋宮圖及蔡氏六十調圖凡為宮者必用全律然後為商角徵羽者由濁至清其勢乃順。國語何以有上宮下宮之別。不知古樂雖以全律為宮而太師吹律之時緩吹即為全律之濁宮急吹即為半律之清宮。

師曠驟歌北風驟
歌即急吹之謂

如後世黃鐘慢宮調黃鐘清宮調之

類或其遺製歟觀趙子敬風雅詩譜鹿鳴六篇為黃鐘
清宮調其首尾皆用六字六即宋人所謂黃鐘清聲也
若慢宮調則首尾當用合字斯為黃鐘濁宮矣

王氏應麟玉海周七律記七律周武王之樂也顓帝所建
帝嚳受之以木代水實基蒼錄州鳩之論始之以六律六
間者所以紀其正終之以七列七同者所以盡其變杜氏
通典謂自商而上但有五聲至周加文武二聲遂為七音
即夷則畢陳黃鐘布戎太簇布令無射布憲或取諸上宮
或取諸下宮蓋律有旋宮之法宮為四聲之綱夫豈紛紛

云爾哉伶鳩之對縷析條陳按其鑄鐘昉乎周景二十三
年以經傳校之則魯昭之二十一年春也若夫七音之律
以奉五聲則晏子之對景公前乎此一年在昭二十一年子太叔
之答趙簡子後乎此四載盖王澤未泯人能言之外傳又
載楚觀射父之論六律七事釋以天地民四時之務顏師
古註漢史七始之說實權輿於此云

漢書律歷志書曰予欲聞六律五聲八音七始詠以出納
五言汝聽 禮樂志七始華始肅倡和聲 北齊鄭譯曰
漢書律歷志云天地人及四時謂之七始黃鐘為天始林
鐘為地始太簇為人始是謂三始姑洗為春蕤賓為夏南

呂為秋應鐘為冬四時之始是以為七今若不以二變為調曲則是缺冬夏之聲四時不備是以每宮須立七調李氏光地曰樂記舜作五絃之琴以歌南風則是時五聲而已漢志雖有七始之文亦未足據

朱子曰變宮變徵始見于國語註中及後漢樂志乃十二律之本聲自宮而下六變七變而得之者非清聲也如黃鐘為宮則第六變得應鐘為變宮第七變得蕤賓為變徵如林鐘為宮則第六變得蕤賓為變宮第七變得大呂為變徵是也凡十二律皆有二變一律之內通前五聲合為七均

律呂表微漢書引尚書七始詠七始即七律也然則七律
自古有之何獨云周有七律見國語蓋古樂雖有七音只用
五聲周之他樂亦然故周禮曰文之以五聲惟武王所作
羽厲宣羸四樂則五聲之外兼用二變詳見國語

旋相為宮 旋宮十二調 旋宮六十調

旋宮十二調

禮運五聲六律十二管旋相為宮也

樂記大小相成終始相生倡和清濁迭相為經為經即為宮也

周官大司樂乃分樂而序之以祭以享以祀祭天曰祀地曰

乃奏黃鐘子也歌大呂丑也以祀天神乃奏太簇寅也歌應

鐘卯也以祭地示乃奏姑洗辰也歌南呂巳也以祀四

望乃奏蕤賓午也歌函鍾未也以祭山川乃奏夷則

也歌小呂申也以享先妣乃奏無射酉也歌夾鍾戌也

也合以享先祖戌也銘按十二調之名如此

義疏奏與歌各為一事。奏者但奏其樂而不歌。奏某律即以其律為均。若歌詩則以歌者之均為均。而不另為均。黃鐘大呂皆以之為均而起調畢曲者也。奏以黃鐘為均者。歌時則以大呂為均之樂配之下皆倣此。

族宮六十調

周官大司樂凡樂圓鐘為宮也。圓鐘即夾鐘。黃鐘為角。黃鐘
角者姑洗也。太簇為徵太簇之為徵者南呂也。姑洗為羽姑洗之為羽者太簇也。○黃鐘
大呂姑洗南呂皆前祀天神四望之樂。大祀則合而用之。冬日至于地上之圓邱奏之。
 則天神皆降。可得而禮矣。凡樂函鐘為宮函鐘即林鐘。太簇為
 角太簇之為角者姑洗也。姑洗為徵姑洗之為徵者應鐘也。南呂為羽南呂之

仲呂之為羽者太簇也。○太簇應鍾。夏日至。于澤中之方。

邱奏之。則地亦皆出。可得而禮矣。凡樂黃鐘為宮。為圓鍾。

大呂為角。大呂之為角。太簇為徵。太簇當為夾鍾。夾鍾應。

鍾為羽。應鍾之為羽者夷則也。○夷則仲呂。于宗廟之中。

奏之。則人鬼可得而禮矣。銘按六十調之名。昉此。

義疏三宮之義。應乎三始。子天氣之始也。午地氣之始也。

地連一位。郊人事之始也。李氏光地曰。冬至祀天。則黃鐘。

也。按以春禘之文。此三宮為樂之本。不可移易。天宮之圓。

則夾鍾之月也。此三宮為樂之本。不可移易。天宮之圓。

鐘當為黃鐘。人宮之黃鐘當為圓鍾。蓋互訛耳。地宮之南。

呂為羽。當作小呂。人宮之太簇為徵。當作夾鍾。亦字之誤。

也。黃鐘為宮，則黃鐘之宮調也。其起調畢曲之律，即以黃鐘。黃鐘為角，則黃鐘之角調也。其起調畢曲之律，則以姑洗。他如太簇之徵調，則為南呂。姑洗之羽調，則為大呂。莫不皆然。如此，則與上文以祀之四樂分合雖殊，而名數不異。凡以祭以享之樂，各以是推之。

李氏光地曰：以黃鐘之五調論，則所謂黃鐘宮調者，用黃鐘所生之七律，而以黃鐘起調，黃鐘畢曲也。所謂黃鐘商調，黃鐘角調，黃鐘徵調，黃鐘羽調者，則亦用黃鐘所生之七律，而或以太簇，或以姑洗，或以林鐘，南呂起調，畢曲也。所以然者，黃鐘以太簇為商，以姑洗為角，以林鐘為徵，以

南呂為羽。如此節用黃鐘為角調。則必以其所生之角聲起調。畢曲自然之理也。故知黃鐘之為角聲也。則必曰夷。則角而不曰黃鐘角。如太簇之為徵聲也。則必曰林鐘徵。而不曰太簇徵。如姑洗之為羽聲也。則必曰林鐘羽。而不曰姑洗羽。漢魏以來。樂部未之有改。然則黃鐘為角之為角調。而用姑洗。太簇為徵之為徵調。而用南呂。姑洗為羽之為羽調。而用大呂。無疑也。考禮運雖有旋相為宮之言。然並未著其例。然則六經中大樂聲調之理。惟周官此文為可據耳。

朱子曰。圓鐘為宮等。皆是四樂各舉其一而言。

義疏不直云姑洗南呂大呂而云黃鐘為角太簇為徵姑洗為羽者所以明商調之不用也。朱子曰樂家言商音有殺伐之意故祭不用然亦恐是無商調不是無商音如首一聲是宮聲尾後一聲亦是宮聲這便是宮調然其中按柏庵那五音依舊都用。鄉先輩何氏濟川曰朱子謂筵席不可用宮聲用之則賓主失歡則先儒謂鬼神畏商容有是理然古人佩玉左宮羽右徵角亦不用商豈人亦畏商乎大武之發揚蹈厲無所畏而獨畏有殺伐之意夫豈其然

律呂源流大司樂十二調舊譜

夾_宮 黃_角 太_徵 姑_羽

林_宮 太_角 姑_徵 南_羽

仲_商 夾_徵 姑_羽 林_宮

南_商 仲_徵 蕤_羽 黃_宮

林_角 仲_羽 林_宮 南_商

應_角 林_羽 南_宮 大_商

無_徵 夷_宮 南_商 應_角

太_徵 無_宮 應_商 姑_角

黃_羽 無_商 應_角 太_徵

姑_羽 黃_商 大_角 林_徵

右四調祀天神之樂

右四調祭地祇之樂

應羽	太徵	大角	黃宮
太宮	姑羽	姑徵	太商
姑商	林宮	蕤羽	姑角
蕤角	南商	南宮	林徵
南徵	應角	應商	南羽

右四調享人鬼之樂

夢溪筆談周禮圜鐘為宮不曰夾鐘而曰圜鐘者以天體言之也。函鐘為宮不曰林鐘而曰函鐘者以地道言之也。黃鐘無異名人道也。蓋宗廟之樂宮為之先。何以知宮為先以律呂次序知之也。黃最長圜邱方澤之樂皆以角為先。何以知角為先以律呂次大太次之應最短。黃最長人鬼盡十二律為義則始於黃太。圜姑函次之南最短。

鐘終于應鐘以宮商角徵羽為敘以宮為先自當以黃鐘為宮也天神始于黃鐘終于姑洗以木火土金水為敘以角為先則宮聲當在太簇徵之後姑洗羽之前中間惟有圜鐘一律自當以圜鐘為宮也地祇始于太簇終于南呂以木火土金水為敘則宮聲當在姑洗徵之後南呂羽之先中間惟函鐘當均自當以函鐘為宮也

銘按圜鐘居子午以東其位為陽陽屬天故圜邱之樂以圜鐘為宮此上文享先祖則仍名夾鐘取天體之渾圜也函鐘居子午以西其位為陰陰屬地故方澤之樂以函鐘為宮上文祭山川亦變名函鐘取地德之包函也黃鐘居陰陽

之交而人居天地之中故宗廟之樂以黃鐘為宮取黃
為中央之色也詳沈氏筆談之義自不必如李氏光地
改圜邱之圜鐘為黃鐘改宗廟之黃鐘為圜鐘

吳氏鼎曰大司樂圜鐘為宮至姑洗為羽唐書以為四調
唐書是也其無商調何也商主西方之金金克木周以木
德王故避之也其用五音不用七音何也大祭祀無變聲
也明太常樂譜亦用五音蓋舊法也其起調轉調畢曲之
義何也夾宮生黃羽為一調羽生角故第二調以黃角起
黃角至無商為一調徵生商故第三調以太徵起太徵至
應角為一調羽生角故第四調以姑羽起姑羽至太徵終

焉宮生徵與首調夾宮相生相應故我生者與生我者皆可以轉調皆可以起調畢曲不必定用本律也祀天神用夾黃太姑祭地亦用林太姑南何也曰陳氏曰圜鐘為宮黃鐘為角太簇為徵姑洗為羽此律之相次者也玉鐘為宮太簇為角姑洗為徵南呂為羽此律之相生者也黃鐘為宮大呂為角太簇為徵應鐘為羽此律之相合者也王氏曰相次者天之道相生者地之功相合者人之情其說是也

朱子經傳通解五音旋相為宮六十調之圖

為宮 為商 為角 為徵 為羽
十二管自本律之外為他律之四聲者合其律為調

南	夷	林	蕤	仲	姑	夾	太	大	黃	<small>於本律</small> <small>於無</small> <small>於夷</small> <small>於仲</small> <small>於夾</small> <small>以上黃鐘五調各用本均</small> <small>畢曲餘律倣此</small>
本律	本律	本律	本律	本律	本律	本律	本律	本律	本律	
林	蕤	仲	姑	夾	太	大	黃	應	南	
仲	姑	夾	太	大	黃	應	無	南	蕤	
太	大	黃	應	無	南	林	仲	姑	太	

無 本律 夷 蕤 夾 大

應 本律 南 林 姑 太

朱子曰六十調即旋宮圖內六十聲也其二變二十四聲非五聲之正不可為調故止於六十也

蔡氏元定曰六十調即十二律也十二律即一黃鐘也蓋皆黃鐘損益之變也

朱子曰李通不以變宮變徵為調其說有理此左傳中聲以降五降以後不容彈矣之意也

律呂表徵調者旋宮之法也以均主言之謂之宮合五聲言之謂之調其實一也一管迭為五聲五聲合為一調每

律一調則十二調此十二調者移宮換羽每各異善琴徽
笛孔按律可名者也

按十二管旋宮之法如大司樂奏黃鐘歌大呂奏太
簇歌應鐘是一管為一調合十二管則為旋宮之十二
調也圓鐘為宮黃鐘為角太簇為徵姑洗為羽是一管
為五調并商調為五合十二管則為旋宮之六十調也然所
謂六十調者亦僅以起調畢曲之一聲為之區別而六
十調所用之七律仍為十二調之七律則是黃鐘之宮
旋而十一管之宮仍未旋恐不足以盡旋宮之義也蓋
旋宮之法有二如某管為宮則管中之七均或宜用正

律用變律。用全聲。用半聲。皆截然而不可紊。惟換律。斯能換音。此為製樂器之定法。亦即為旋宮之正法。如朱子十二律正變倍半圖。及蔡氏六十調圖是也。又如某管為宮。管中既備七均。而七均之律。又可各自為宮。各自成調。皆換音而不換律。此為用樂器之活法。又即為旋宮之權法。如今之琴絃笛孔。各絃各孔。皆可為宮。為調。是也。是故由旋宮而約言之。則六十調猶嫌其多。觀周禮無商調。唐宋以來無角調徵調變徵調。故一均只。有四調。合七均為二十有八調。而今之樂工。又統名為七調。洵可謂得旋宮之要者矣。由旋宮而廣言之。則六

十調又嫌其少。親隋書柱國沛公鄭譯。因蘇祇婆之五
均。更立七均。為八十四調。至萬寶常之用旋宮。改絃移
柱。隨手成曲。推衍極于一百四十四律。十二律各變化
終于一千餘八聲。每律七聲洵可謂盡旋宮之變者矣。

聳律七字譜

唐樂蓬字譜
明太常舊譜

宋燕樂十字譜
四聲二韻

戰國策高漸離擊筑荆軻和而歌為變徵之聲

楚辭大招篇四上競氣極聲變只

大呂為四仲呂為上歌
者激氣使角聲轉清

黃氏佐曰後世辨音以合四一上勾尺工凡六五為譜調

絲則絲有其字吹竹則竹有其音據四上競氣極聲變只

推之則大呂清角也然則合一其黃鐘慢角歟蓋其來遠

矣吳氏鼎曰宋史以大呂為四仲呂為上黃鐘為合姑

洗為一黃氏以四上為大呂清角合一為黃鐘慢角者蓋

大呂為宮則大夷夾無仲仲當角位仲又為宮仲生黃之

子聲適當徵位所謂清角流徵也若黃鐘為宮則黃林太

南姑姑當角位姑又為宮生應之正聲亦當徵位所謂黃鐘慢角也

唐書一宮二商三角四變徵五徵六羽七變宮其聲由濁至清為一均

唐樂遠字譜

唐時婆羅門曲起工字至尺字于是工尺等字色起焉蓋工凡六四一尺此六字本皆簫笛孔穴數目名曰六穴又有上字在一尺之間合六凡為低上字合一凡為高上字名曰一合今所傳唐樂遠字譜是也遠同笛

尺

一

四五

六合

凡

工

變宮

羽

徵

變徵

角

商

宮

應

南

林

蕤

姑

太

黃

銘按朱子云南北之亂中華雅樂中絕隋時鄭譯得之
 於蘇祇婆自西域傳來據此則唐時婆羅門曲即今之
也西藏亦非先王之舊矣觀楚辭明言四上而婆羅門曲
 上字乃在一尺之間獨無正孔者蓋因唐時燕樂以合
 為宮以上為變徵唐宋燕樂宮調皆同而變徵與正徵只差二分
 有奇不可相並為孔也至於籥字譜起工字至尺字者
 殆因燕樂聲高二律恐非正聲故又移工凡二孔於合
 字之下歟

宋燕樂十字譜

宋史中興四朝樂志序蔡元定嘗為燕樂一書證俗失以存古義今採其畧附于下黃鐘用合字大呂太簇用四字夾鐘姑洗用一字夷則南呂用工字無射應鐘用凡字各以上下分為清濁其仲呂蕤賓林鐘不可以上下分中呂用上字蕤賓用勾字林鐘用尺字其黃鐘清用六字大呂太簇夾鐘清各用五字而以上下緊別之緊五者夾鐘清聲俗樂以為宮此其取律寸律數用字紀聲之畧也一宮二商三角四變為宮五徵六羽七閏為角五聲之號與雅樂同惟變徵以于十二律中陰陽易位故謂之變變宮以

七聲所不及取閏餘之義故謂之閏四變居宮聲之對故
為宮俗樂以閏為正聲以閏加變故閏為角而實非正角
此其七聲高下之畧也聲由陽來陽生于子終于午燕樂
以夾鍾收四聲曰宮曰商曰羽曰閏閏為角其正角聲變
徵聲徵聲皆不收而獨用夾鍾為律本此其以夾鍾收四
聲之畧也宮聲七調曰正宮曰高宮曰中呂宮曰道宮唐書
為道宮曰南呂宮曰仙呂宮曰黃鍾宮皆生于黃鍾商聲七
調曰大食調曰高大食調曰雙調曰小食調曰歇指調曰
商調唐書為林鍾調曰越調皆生于太簇羽聲七調曰般涉調曰
高般涉調曰中呂調曰平正調曰南呂調唐書為曰仙呂

調曰黃鐘調。唐書為黃鐘羽皆生于南呂。角聲七調曰大食角。曰

高大食角。曰雙角。曰小食角。曰歇指角。曰商角。唐書為林鐘角皆

生于應鐘。此其四聲二十八調之畧也。竊考元定言燕樂

大要其律本出于夾鐘。以十二律兼四清為十六聲。而夾

鐘為最清。此所謂靡靡之樂也。觀其律本則其樂可知。變

宮變徵既非正聲。而以變徵為宮。以變宮為角。反紊亂正

聲若此。夾鐘宮謂之仲呂宮。林鐘宮謂之南呂宮者。燕樂

聲高實以夾鐘為黃鐘也。

夢溪筆談今燕樂合字配黃鐘。下四配大呂。高四配太簇。

下一配夾鐘。高一配姑洗。上配仲呂。勾勾為後孔之音配蕤賓。尺

配林鐘下工配夷則高工配南呂下凡配無射高凡配應
鐘六配清黃下五配清大高五配清太緊五配清角又
云十二律并清宮當有十六聲今之燕樂只有十五聲蓋
今樂高于古樂二律以下故無正黃鐘聲只以合字當大
呂猶差高當在大呂太簇之間下四字近太簇高四字近
夾鐘下一字近姑洗高一字近仲呂上字近蕤賓勾字近
林鐘尺字近夷則工字近南呂高工字近無射六字近應
鐘下凡字為黃鐘清高凡字為大呂清下五字為太簇清
高五字為夾鐘清知聲者皆能言之

夢溪筆談七宮正宮

黃鐘宮

高宮

大呂宮

仲呂宮

夾鐘宮

道調宮上中呂宮南呂宮尺林鐘宮仙呂宮工夷則宮黃鐘宮射無射

凡七商越調六黃鐘商大石調四太簇商高大石調一夾鐘商雙

調上中呂商小石調尺林鐘商歇指調工南呂商林鐘商凡無射商

七角林鐘角六黃鐘角越角四太簇角大石角一姑洗角高大石

角上仲呂角雙角尺林鐘角小石角工南呂角歇指角凡應鐘角七

羽仲呂調六黃鐘羽正平調四太簇羽南呂調又名高平調姑洗

一仙呂調上仲呂羽黃鐘羽又名大呂調尺林鐘羽般涉調呂南

二高般涉凡無射羽此二十八調也

夢溪筆談十二律配燕樂二十八調除無徵音外黃鐘宮

四調今為正宮用六字黃鐘商今為越調用六字黃鐘角

今為林鐘角用六字黃鐘羽今為仲呂調用六字大呂宮
一調今為高宮用四字大呂商大呂角大呂羽太簇宮今
燕樂皆無太簇商三調今為大石調用四字太簇角今為
越角用四字太簇羽今為正平調用四字夾鐘宮二調今
為仲呂宮用一字夾鐘商今為高大石調用一字夾鐘角
夾鐘羽姑洗宮姑洗商今燕樂皆無姑洗角二調今為大
石角用一字姑洗羽今為高平調用一字中呂宮四調今
為道調宮用上字中呂商今為雙調用上字中呂角今為
高大石調用上字中呂羽今為仙呂調用上字蕤賓宮蕤
賓商蕤賓角蕤賓羽今燕樂皆無林鐘宮四調今為南呂

宮用尺字。林鐘商。今為小石調。用尺字。林鐘角。今為雙調。
用尺字。林鐘羽。今為大呂調。用尺字。夷則宮。一調。今為仙
呂宮。用工字。夷則商。夷則角。夷則羽。南呂宮。今燕樂皆無。
南呂商。三調。今為歇指調。用工字。南呂角。今為小石角。用
工字。南呂羽。今為般涉調。用工字。無射宮。三調。今為黃鐘
宮。用凡字。無射商。今為林鐘商。用凡字。無射角。今燕樂無。
無射羽。今為高般涉調。用凡字。應鐘宮。應鐘商。今燕樂皆
無。應鐘角。一調。今為歇指角。用凡字。應鐘羽。今燕樂無。
夢溪筆談二十八調。惟黃鐘中呂林鐘三律。各具宮商角
羽四聲。其餘或有一調。至二三調。獨蕤賓一律都無。今之

仲呂宮都是古夾鐘宮。今南呂宮乃古林鐘宮。今黃鐘宮乃古無射宮。今大呂調乃古林鐘羽。雖國工亦莫知其所因。

朱子曰。今俗樂或謂高于古雅樂三律。則合字乃夾鐘也。沈氏括言。今教坊燕樂比律高二均弱。合字比太簇微下。却以凡字當宮聲。比宮之清宮徽高。外方樂又高教坊一均。惟契丹樂聲比教坊下二均。疑唐之遺聲也。若如沈說。則外方合字真為夾鐘矣。

宋譜

凡

工

尺

上勾

一

四 五

合 六

應	無	變宮
南	夷	羽
	林	徵
蕤	仲	變徵
姑	夾	角
太	大	商
	黃	宮
	聲下	
	聲高	

律呂正義族宮之法黃鐘為六律之首大呂為六呂之首則黃鐘大呂宜得一聲只分清濁耳而燕樂書乃以黃鐘起合字大呂太簇共為四字殊失律呂相配之義然所載十字雖分配十二律呂及四半律而勾為低尺合為低六四為低五是字雖有十而音止于七固與五聲二變有相通者矣

錦按自隋唐至宋樂部皆同何以唐樂籟字譜起工字

至尺字而宋史燕樂書又起合字至凡字其譜竟不相
侔竊考漢蔡氏邕作十二律笛其笛體皆用角律因疑
唐譜起工字者以黃鍾宮為律本乃雅樂之遺宋譜起
合字者以姑洗角為律本乃燕樂之遺唐書謂夾鍾之
史燕樂亦以夾鍾為律本
所謂夾鍾者實姑洗位也古者二譜並用雅樂低二律
燕樂高二律然元明以來惟用宋譜而古調已不復彈
矣

明太常舊譜

明史張鷟言于世宗曰太常十六編鍾以五凡工尺上一
四六勾合譜之黃鍾為合似矣其以大呂為下四太簇為

高四夾鐘為下一姑洗為上一之類皆以二律兼一字何以旋宮取律世宗下禮官議禮官李時覆奏曰黃鐘一調舊樂章用合四二尺工去蕤賓之勾而越次用再生黃鐘之六此舊樂章之失也自今宜用舊協音律惟加以蕤賓勾聲去再生黃鐘之六改用應鐘之凡以成黃鐘一均乃命鶚更定樂章

吳氏鼎曰明代大常舊譜與宋燕樂字譜同既分高低則不可以兩律兼一字病之矣張鶚欲改譜易字李時只欲其改聲協調良有以也夫舊樂章用五音李時用七音一而已矣且舊樂章黃鐘之宮黃為宮為合黃生林為徵為

尺林生太為商為四太生南為羽為工南生姑為角為一其于相生之法既已合矣而其次第曰黃太姑林南則君臣民事物大小之倫又未嘗不合也姑固當生應矣然姑既屬角角獨不可生宮乎其終之以黃鐘之子聲則黃鐘起調黃鐘畢曲又何得議其越次也李時改以七音固合乎祖孝孫之一宮二商三角四變徵五徵六羽七變宮之舊法但以黃鐘起調未見其黃鐘畢曲蓋知其一未知其二者也

黃氏佐曰管七孔惟變徵一孔在後蓋變徵少下于徵位相去不遠不可一並為孔故置之後既不失變徵之位又

無碍于徵。若變宮則彼固自有其地也。吹管之法。閉五孔。開第一孔。則宮音出焉。今謂之合。閉四孔。開二孔。則商音出焉。今謂之四。閉三。開三。則角音出焉。今謂之一。閉二。開四。則徵音出焉。今謂之尺。閉上一。開下五。則羽音出焉。今謂之工。閉下五。獨開上一孔。則變宮之音出焉。今謂之凡。前孔皆閉。放後一孔。則變徵之音出焉。今謂之勾。此黃鐘也。餘倣此。

熊氏朋來曰。字譜如字韻之母。宮調不同。而黃鐘常為宮。餘律亦有常者。隨五聲二變所及。無不該通。亦以諸調同一宮也。

何氏璫曰律和聲者如作黃鐘宮調則衆音同以黃鐘為節太簇亦然俗樂以合四工尺等字為板限如作工字調則衆音皆亦以工為節尺亦然乃其遺法也

黃氏佐曰喉舌牙齒有半舌半齒焉半舌聲近變宮應鐘曰凡是也半齒聲近變徵蕤賓曰勾是也凡字半舌兼唇勾字半齒兼舌

韓氏邦奇曰合尺四工一凡上配黃林太南姑應蕤

四聲二韻

徐氏景安樂書宮為上平商為下平角為入徵為上羽為

去聲

羽字詩韻收入上聲其
實羽去同音當作去聲

此按古有五音而無四聲。自齊梁間韻譜出而五音乃
變為四聲矣。四聲又統於平仄二韻矣。夫音之有五也
與五行相表裏。茲何以約為四。且約為二。然以意揣之
亦有至理存焉。上平則為宮也。下平則為商也。宮生徵
而徵為上聲。商生羽而羽為去聲。羽生角而角為入聲。
此四聲所由譜也。而四聲之約為二韻。尤本乎天籟。蓋
自有詩歌以來。喜起明良。一用平。一用仄。已開後世古
體近體之先矣。故五音之統於四聲也。猶五行之統於
四時。但在四時則土寄于火。夏為火。夏在四聲則土寄
於金。宮為土。商為金。雖所寄不同。而不失火土金相生之次。則

仍同而四聲之統於平仄二韻也。又猶四時之統於陰陽二氣。陽聲為平。平分為二。劑以陰數也。陰聲為仄。仄分為三。劑以陽數也。同是陽聲而上平為陽中之陽。下平為陽中之陰也。同是陰聲而上去為陰中之陽。入聲為陰中之陰也。若夫統五音四聲二韻而進窺其本則又總歸于一元之運而已矣。